

Nr. 082 / 09 Ýmir***Strandar í botni Eyjafjarðar***

Skipaskr.nr. 7566
Smíðaður: Fevik Noregi 2005 plast
Stærð: 12,44 brl. 11,38 bt.
Mesta lengd: 10,75 m Skráð lengd: 10,71 m
Breidd: 3,2 m Dýpt: 1,93 m
Vél: 2x Volvo Penta 249 kW 2005
Fjöldi skipverja: 8

Gögn:
Gögn RNS

Lokaskýrsla afgreidd á fundi 4. desember 2009 af Inga Tryggvasyni, Hilmari Snorrasyni, Pálma K. Jónssyni, Jóhanni Ársælssyni og Ólafi K. Ármannssyni

Tilgangur þessarar skýrslu er ekki að skipta sök eða ábyrgð og skal henni ekki beitt sem sönnunargagn í opinberu máli.

Atvikalýsing:

Þann 9. júlí 2009 var skemmtibáturinn Ýmir á siglingu á Akureyrarpolti. Veður: N 4 m/sek.

Skipstjóri hafði til hliðsjónar GPS staðsetningatæki á siglingunni og taldi sig vera vel norðan við grunnkantinn í botni fjarðarins. Þegar tækið skipti á milli korta sá hann að hann var kominn upp í kantinn, sló af og beygði nokkuð en það dugði ekki til því báturinn renndi upp á grynningarnar og stöðvaðist.

Skipstjóri óskaði eftir aðstoð og kom lóðsbátur hafnarinnar og dró Ými af standstað. Var honum siglt fyrir eigin vélarafli að bryggju.

Við rannsókn kom fram:

- að skipstjóri taldi að GPS-tækið væri alveg rétt og hann hefði ekki reynt það að öðru en að sýna rétta staðsetningu;
- að skipstjóri sagðist ekki hafa nein landmið eða aðra viðmiðun til leiðbeiningar hve sunnarlega mátti sigla til að vera öruggur norður af grynningunni;
- að skipstjóri sendi RNS athugasemdir þar sem hann hafnaði því að um óvarlega siglingu hafi verið að ræða.

Nefndarálit:

Orsök strandsins var óvarleg sigling á grunnsævi.